

MAKALA A SARS A TLA BULWA KA MEQEBELO YA MPHALANE HO THUSA KA DIKGUTLISO TSA LEKGETHO LA LEKENO

PRETORIA, 30 Loetse 2019 – Makala a SARS a tla bulwa ka Meqebelo ya Mphalane 2019 ho thusa balefalekgetho ho faela dikgutliso tsa bona tsa lekgetho la lekeno.

Ho nolofaetsa balefalekgetho ho ikobela tefo ya lekgetho, makala a SARS a tla bulwa ho tloha ka 08:00 ho isa ho 13:00 ka la 5, 12, 19 le 26 Mphalane 2019. Thuso e tlang ho fumaneha e tla akaretsa tsena tse latelang feela:

- Ho nyehelwa ha dikgutliso tsa bona tsa lekgetho la lekeno
- Ho thusa balefalekgetho ka bonngwe ba bona ho ingodisetsa ho faela ka SARS MobiApp.

Balefalekgetho ba ikamahanyang le ditlhoko tsena tse latelang KAOFELA ha tsona ba hopotswa hore HA BA HLOKE ho faela kgutliso:

- Paloyohle ya lekeno la hao mosebetsing ka selemo pele ho kgulo ya lekgetho ha e fete R5000 000
- O fumana lekeno la mosebetsi ho tswa ho MONGAMOSEBETSI A LE MONG FEELA bakeng sa selemo se tletseng sa lekgetho.
- Ha o na mofuta ofe kapa ofe o mong wa LEKENO (o kang alawense ya koloi, lekeno la kgwebo, lekeno la rente, tswala e lefiswang lekgetho kapa lekeno la mosebetsi o mong).
- Ha o na dikgulo dife kapa dife tsa tlatsetso tse dumelletsweng ho ka hulelwa lekgetho tseo o ka di tsekang (tse kang ditshenyehelo tsa kalafo, dikabelo tsa ho beha meja fatshe le ditshenyehelo tsa maeto).

SARS e batla ho hopotsa balefalekgetho ho tla le ditokomane tse hlokehang tsa tshehetso ho qoba pherekano. Tsona di akaretsa:

- Dintlha tsa hao tsa banka
- Setifikeiti sa hao sa IRP5/IT3(a)
- Ditifikeiti tsa tswala [IT3(b)] eo o e fumaneng bakeng sa lekeno lefe kapa lefe la botsetedi
- Dintlha tsa ditshenyehelo tsa kalafo tseo o di lefileng mme di sa akaretswa ke sekema sa hao sa kalafo

- Setifikeiti sa sekema sa kalafo bakeng sa dintlha tsa dikabelo tse entsweng tsa kalafo tse sa hlahelleng setifikeiting sa hao sa IRP5/IT3(a)
- Tiiso e tlatsitsweng ka botlalo ya ho fumanwa ha boqhwalala foromong ya (ITR-DD), ebang ho hlokeha
- Ditifikeiti tsa letlole la ho beha meja fatshe
- Dintlha tsa maeto a kgwebo (ebang o fumane tjhelete ya alawense ya maeto kapa ebang o batla ho etsa tseko kgahlano le molemo wa mosebetsing wa sepalangwang seo mongamosebetsi a fanang ka sona)
- Lesedi le mabapi le diikhrediti tsa lekgetho la matjhabeng tse tshwerweng
- Ditlankana tsa ditjhelete, ebang ho hlokeha, tse kang lekeno la kgwebo
- Tokomane efe kapa efe e nngwe e amehang e mabapi le lekeno leo o le fumaneng kapa dikgulo tseo o batlang ho di tseka.

Matsatsi a makgaolakang a ho nyehelwa ha dikgutliso tsa lekgetho la lekeno Sehlang sena sa Lekgetho sa 2019 ke ana:

- 31 Mphalane 2019 bakeng sa balefalekgetho ba nakwana le bao e seng ba nakwana ba etelang makala a SARS ho ya thuswa ka ho faela
- 4 Tshitwe 2019 bakeng sa balefalekgetho bao e seng ba nakwana, ba sebedisang eFiling kapa SARS MobiApp
- 31 Pherekong 2020 bakeng sa balefalekgetho ba nakwana ba sebedisang eFiling.

Re kgothaletsa balefalekgetho ho etsa se nepahetseng mmoho ka ha kabelo ka nngwe ya lekgetho e thusa ho aha mmuso o nang le bokgoni, wa demokrasi le o kgothaletsang kgolo ya ikonomi mmoho le ntshetsopele ya setjhaba molemong wa Mafrikaborwa kaofela.